


ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ  
ՁԵՐԲԱԿԱՎԱՑ ԱՆՁԱՆՅ ՊԱՀԵԼՈՒ ՎԱՅՐԵՐՈՒՄ ՎԵՐԱՀՄԿՈՂՈՒԹՅՈՒՆ  
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1489

17.11.2014թվ.

ՀՀ ոստիկանության պետ,  
գեներալ-լեյտենանտ  
պարոն՝ Վ. Գասպարյանին

Հարգելի պարոն Գասպարյան.




Սույն թվականի հոկտեմբերի 17-ին Դիտորդական խումբը 2621/1473 գրությամբ դիմել էր Ձեզ ՀՀ ոստիկանության Լոռու ՄՎ Տարոնի բաժնի ՁՊՎ-ում արձանագրված որոշ մարմնական վնասվածքների վերաբերյալ տեղեկատվություն տրամադրելու համար:

07.11.2014թ-ին թիվ 2/2-1-2872 գրությամբ ՀՀ Ոստիկանության կողմից Դիտորդական խմբին տրվել էր մեկնաբանություն, որտեղ կոչ էր արվում Դիտորդական խմբին, <<որ ՀՀ ոստիկանությանը անհիմն մեղադրանքներ ներկայացնելուց առաջ մանրակրկիտ ուսումնասիրվի առկա հանգամանքները, գրություններով ներակայացված հարցադրումները ճիշտ շարադրել, որից հետո նոր տալ գնահատականներ>>:

Դիտորդական խմբի կարծիքով այդ ամենը ապակողմնորոշման տեսակ է հաշվետվությունները ուսումնասիրողի համար, քանի որ Դիտորդական խումբը բոլոր անհրաժեշտ փաստերը ներկայացնելով իր գրության վեջին պարբերության և կից չորս կետերով ներկայացրել էր խնդիրը.

Մեջբերում՝ <<Այսպիսով՝ ուսումնասիրելով Դիտորդական խմբի կողմից կատարված մոնիթորինգի արդյունքները, երկու գերատեսչությունների կողմից տրված մեկնաբանությունները արձանագրվել է  
որ



1. Տվյալ ՁՊՎ-ում մարմնական վնասվածքներով ընդունված անձանց մարմնական վնասվածքները թարցվում են և չեն գրանցվում:
2. Չեն համապատասխանում ձերբակալված, հաջորդիվ կալանավորված և ՀՀ ԱՆ <<Վանաձոր>> ՔԿՀ տեղափոխված անձանց քանակը:
3. Չեն համապատասխանում մարմնական վնասվածքներով ՀՀ ոստիկանության Լոռու ՄՎ Տարոնի բաժնի ՁՊՎ ընդունված և հաջորդիվ ՀՀ ԱՆ <<Վանաձոր>> ՔԿՀ տեղափոխված անձանց մարմնական վնասվածքների քանակը:
4. Չեն համապատասխանում նույն մարդկանց մոտ տարբեր գերատեսչություններում արձանագրված մարմնական վնասվածքների տեսակները>>:


#### Պարզաբանում`

1. Դիտորդական խումբը 2621/1473 գրությունը ներկայացրել է 17.10.2014թ-ին բայց առաջին կետին արդեն իսկ բավարար մեկնաբանություն էր տրվել 12 օր անց` 29.10.2014թ-ին:
2. Երկրորդ կետին տրված մեկնաբանությունը լիովին ընդունելի է Դիտորդական խմբի կողմից:
3. Երրորդ կետին տրվել է մասնակի մեկնաբանություն:
4. Չորրորդ կետին ընդհանրապես մեկնաբանություն չի տրվել:

Այսպիսով` խնդրում ենք Դիտորդական խմբին դիտողություններ անելու, ուղղություններ ցույց տալու փոխարեն, խնդրում ենք հանձնարարել, որպեսզի լիարժեք ուսումնասիրվի Դիտորդական խմբի հարցադրումները և պարզաբանվի բոլոր կետերն անխնդիր:

#### Հարգանքներով`

ՀՀ ոստիկանության համակարգի ձերբակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ`



Շ. Սահակյան



## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երեւան, Նալբանդյան 130 հեռ. 59-65-94

N- 212-1-3066

« 25 » 11 2014թ.

Ձեր 17.11.2014թ. թիվ 2621/1489 գր.

**ՀՀ ոստիկանության համակարգի ձերբակալվածներին պահելու վայրերում հասարակական դիտորդների խմբի նախագահ**

**տիկին Հ. Սահակյանին**

### Հարգելի տիկին Սահակյան

Գրության 4-րդ պարբերության 3-րդ և 4-րդ կետերով նշված հանգամանքներին տրվում են հետևյալ մեկնաբանությունները.

ՁՊՎ ընդունվող անձանց մարմնի արտաքին զննության ժամանակ մարմնական վնասվածքներ հայտնաբերելիս ՁՊՎ վարչակազմը ղեկավարվելով ՀՀ կառավարության 05.06.2008թ. թիվ 574-Ն որոշմամբ հաստատված «ՀՀ ոստիկանության համակարգում գործող ձերբակալվածներին պահելու վայրերի ներքին կանոնակարգ»-ի 13-րդ կետի պահանջով անհապաղ հրավիրվում է շտապ օգնության խումբ: Հրավիրված շտապ օգնության բուժաշխատողի կողմից ցուցաբերվում է բուժօգնություն և իր իսկ կողմից «Ձերբակալված անձանց բուժօգնության կամ բուժօգնության» գրանցամատյանում կատարվում են համապատասխան գրառումներ՝ նշելով մարմնի վնասված մասի անվանումը և վնասվածքների բնույթը:

Ինչ վերաբերվում է ՀՀ ոստիկանության Լոռու մարզային վարչության Տարոնի բաժնի ՁՊՎ-ում և ՀՀ ԱՆ «Վանաձոր» ԲԿՀ-ում նույն անձանց մոտ հայտնաբերված և արձանագրված մարմնական վնասվածքների քանակների ու տեսակների չհամընկնելուն, ապա այն հավանաբար կապված է տարբեր բուժաշխատողների մասնագիտական մոտեցումներից, որոնց վերաբերյալ ՀՀ ոստիկանությունը չի կարող տալ հստակ մեկնաբանություններ:

Հարկ է նշել, որ ՀՀ ոստիկանությունը հետևողական է ՁՊՎ ընդունված անձանց մոտ հայտնաբերված մարմնական վնասվածքները արձանագրելու և սահմանված կարգով վարույթն իրականացնող մարմիններին իրազեկելու գործում, ինչի վառ ապացույցն է այն, որ մարմնական վնասվածքներով ոստիկանության Տարոնի բաժնի ՁՊՎ ընդունված անձանց քանակը եղել է ավելին, քան ՀՀ ԱՆ «Վանաձոր» ԲԿՀ ընդունվածներինը:

**ՀՀ ոստիկանության շտաբ**